

Na osnovu člana 13. stav (1) alineja 9. Zakona o principima lokalne samouprave F BiH ("Službene novine F BiH", br. 49/06 i 51/09) i člana 19. stav (1) alineja 12. Statuta opštine Novo Sarajevo ("Službene novine Kantona Sarajevo", br. 5/20 – prečišćeni tekst i 20/20 – ispravka), Opštinsko vijeće Novo Sarajevo, na sjednici održanoj _____ godine, donijelo je

NACRT

ODLUKU

o postupku utvrđivanja prijedloga za davanje ili promjenu naziva ulica, trgova, mostova i parkova na području općine Novo Sarajevo

I OPĆE ODREDBE

Član 1. (Predmet Odluke)

Ovom Odlukom uređuje se postupak utvrđivanje prijedloga za davanje ili promjenu naziva ulica, trgova, mostova i parkova na području općine Novo Sarajevo.

Član 2. (Vremensko ograničenje)

Promjena naziva ulice, trga, mosta ili parka u okviru vremenskog perioda od 10 godina može se izvršiti jednom (1).

Član 3. (Ovlašteni subjekti)

Konačan prijedlog ulice, trga, mosta ili parka utvrđuje Općinsko vijeće Novo Sarajevo, a na prijedlog Komisije za odnose sa mjesnim zajednicama i zaštitu čovjekove okoline.

II POSTUPAK ZA UTVRĐIVANJE PRIJEDLOGA

Član 4. (Kriteriji)

- (1) Naziv ulice, trga, mosta ili parka se određuje po:
 1. geografskim i drugim pojmovima (kao npr. toponimi),
 2. datumima vezanim za značajne događaje iz historije Bosne i Hercegovine,
 3. po imenima osoba koje su dale značajan doprinos u historiji Bosne i Hercegovine (kao npr. u periodu srednjovjekovne bosanske države, narodnooslobodilačke borbe 1941.- 1945. i odbrambeno-oslobodilačkog rata 1992.-1995. godine i sl.),
 4. imenima osoba koje su dale svoj doprinos u kulturnom, privrednom, društvenom, sportskom i naučnom razvoju Bosne i Hercegovine,
 5. imenima lica ili drugim nazivima koji simboliziraju u međunarodnim okvirima doprinos razvoju čovječanstva, humanosti, nauke, kulture, mira ili druge oblasti o međunarodnog značaja.
- (2) Ulica, trg, most ili park ne može dobiti naziv po imenu žive osobe, bez njihove izričite prethodne, pismene saglasnosti.
- (3) U slučaju promjene naziva ulice, neophodno je dostaviti najmanje 100 potpisa građana te ulice, sa njihovom saglasnošću.

Član 5.
(Ovlašteni predlagači)

- (1) Pisani prijedlog za davanje ili promjenu ulice, trga, mosta ili parka može pokrenuti:
1. Opštinski načelnik,
 2. Opštinski vijećnik,
 3. Mjesna zajednica,
 4. Kulturna ili javna ustanova,
 5. Udruženje građana.
- (2) Prijedlog iz prethodnog stava sadrži obrazloženje o razlozima zbog kojih se predlaže davanje ili promjena određenog naziva ulice, trga, mosta ili parka.
- (3) Prijedlog se podnosi putem Komisije za odnose sa mjesnim zajednicama i zaštitu čovjekove okoline.

Član 6.
(Razmatranje prijedloga)

- (1) Prije utvrđivanja prijedloga, Komisija iz člana 3. stava (3) ove Odluke, je dužna povodom odnosnog prijedloga pribaviti mišljenje mjesne zajednice na čijoj teritoriji se nalazi ulica, trg, most ili park u pogledu podržavanja istog.
- (2) U razmatranju pisanog prijedloga iz člana 3. ove Odluke, Komisije za odnose sa mjesnim zajednicama i zaštitu čovjekove okoline će ocijeniti kvalitet predloženog naziva.
- (3) Kvalitet predloženog naziva prilikom predlaganja imena osobe ogleda se u njenom liku i djelu, te njegovog posrednog i neposrednog uticaja na prošlost, sadašnjost i budućnost građana Bosne i Hercegovine.

Član 7.
(Utvrđivanje konačnog prijedloga)

- (1) Na osnovu podataka iz člana 3. stav (2) i člana 4. stav (2) ove Odluke, Komisija utvrđuje spisak prijedloge za davanje ili promjenu naziva ulica, trga, mosta ili parka s tekstom prijedloga zaključka i dostavlja ga Opštinskom vijeću na razmatranje i utvrđivanje konačnog prijedloga.
- (2) Općinsko vijeće Novo Sarajevo, konačno utvrđeni prijedlog za davanje ili promjenu naziva ulica, trgova, mostova i parkova na području općine Novo Sarajevo, dostavlja Komisiji za obilježavanje, čuvanje i njegovanje historijskih događaja i ličnosti (Kantona Sarajevo), na dalje postupnje.

III ZAVRŠNE ODREDBE

Član 8.
(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj: 02OV-02- /21
Sarajevo,

P R E D S J E D A V A J U Ć I
O P Š T I N S K O G V I J E Ć A N O V O S A R A J E V O

P L E Š E R O B E R T

O B R A Z L O Ź E N J E

I PRAVNI OSNOV ZA DONOŠENJE ODLUKE

Pravni osnov za donošenje ove Odluke sadržan je u odredbi člana 13. stav (1) alineja 9. Zakona o principima lokalne samouprave F BiH ("Službene novine F BiH", br. 49/06 i 51/09) i člana 19. stav (1) alineja 12. Statuta opštine Novo Sarajevo ("Službene novine Kantona Sarajevo", br. 5/20 – prečišćeni tekst i 20/20 – ispravka). Tim odredbama je predviđeno da u nadležnost Općinsko vijeća spada donošenje propisa o nazivima ulica, trgova i dijelova naseljenih mjesta. Pošto se ovom odlukom regulišu postupak utvrđivanja prijedloga za davanje ili promjenu naziva ulica, trgova, mostova i parkova na području općine Novo Sarajevo, navedene odredbe predstavljaju pravni osnov za donošenje predmetne odluke.

II RAZLOZI DONOŠENJA ODLUKE

Imajući u vidu da nije postojala Odluka koja bi regulisala ovu materiju tj. samu proceduru za, prijeko je potrebno urediti proceduru pripreme prijedloga imenovanja ulica i trgova.

Vezano uz činjenicu da je davanje i/ili promjena ulica i trgova kontinuirani proces koji je u ovisnosti, kako od prijedloga pojedinaca ili pravnog subjekta koji su u mogućnosti predlagati nazive postojećim ulicama i trgovima tako i od trajnog procesa širenja područja u kojima se gradnjom stvaraju pretpostavke za utvrđivanje imena novih ulica i trgova, procijenjena je potreba određivanja normi kojima će se propisati procedura same pripreme ovih prijedloga.

III OBJAŠNJENA PREDLOŽENIH PRAVNIH RJEŠENJA

Član 1. definiše se predmet uređivanja ove odluke.

Član 2. propisuje se ograničenje vršenja promjena u određenom vremenskom periodu.

Član 3. propisuje da Općinsko vijeće Novo Sarajevo utvrđuje konačni prijedlog.

Član 4. propisuje da naziv ulice, trga, mosta ili parka određuje po geografskim i drugim pojmovima (kao npr. toponimi), datumima vezanim za značajne događaje iz historije Bosne i Hercegovine, po imenima osoba koje su dale značajan doprinos u historiji Bosne i Hercegovine (kao npr. u periodu srednjovjekovne bosanske države, narodnooslobodilačke borbe 1941.- 1945. godine i odbrambeno-oslobodilačkog rata 1992.-1995. godine i sl.) i imenima osoba koje su dale svoj doprinos u kulturnom, privrednom, društvenom, sportskom i naučnom razvoju.

Član 5.-7. propisuje provedbu konkretne procedure davanja ili promjene ulice/trga.

Član 8. propisuje stupanje na snagu ove odluke.

IV SREDSTVA POTREBNA ZA PROVOĐENJE OVE ODLUKE

Za provedbu ove Odluke nije potrebno osigurati sredstva iz budžeta općine Novo Sarajevo.

V POSLJEDICE KOJE ĆE NASTATI DONOŠENJEM OVE ODLUKE VEZANE UZ MATERIJALNI POLOŽAJ GRAĐANA

Ova Odluka nema direktnog utjecaja na materijalni položaj građana. Indirektno, u slučajevima eventualne promjene naziva postojećih ulica/trgova isto će iziskivati promjenu određenih dokumenata (Potvrda o registraciji i potvrda o vlasništvu motornog vozila).

Broj: 02OV-_____/21
Sarajevo, _____.2021. godine

Na osnovu člana 19. stav (1) alineja 4., člana 143. Statuta Općine Novo Sarajevo („Službene novine Kantona Sarajevo“, broj 5/20 - prečišćeni tekst i 20/20 - ispravka) i člana 128., a u vezi sa članom 148. Poslovnika Općinskog vijeća Novo Sarajevo („Službene novine Kantona Sarajevo“, broj 24/19 - novi prečišćeni tekst i 20/20), Općinsko vijeće Novo Sarajevo, na ____ sjednici, održanoj dana _____.2021. godine, donijelo je

Prijedlog

ZAKLJUČAK

1. Općinsko vijeće Novo Sarajevo utvrđuje **nacrt Odluke o postupku utvrđivanja prijedloga za davanje ili promjenu naziva ulica, trgova, mostova i parkova na području općine Novo Sarajevo** koji je predložila vijećnica „Naše stranke“ Vugić Elvedina i isti upućuje na javnu raspravu, u trajanju od 15 dana.

2. Nacrt Odluke o postupku utvrđivanja prijedloga za davanje ili promjenu naziva ulica, trgova, mostova i parkova na području općine Novo Sarajevo biće objavljen na web stranici Općine Novo Sarajevo.

Učesnici u javnoj raspravi su: klubovi vijećnika Općinskog vijeća, Općinski načelnik, savjeti mjesnih zajednica i nadležna radna tijela Općinskog vijeća i to: Komisija za odnose sa mjesnim zajednicama i zaštitu čovjekove okoline i Komisija za statut i propise. Javna rasprava će se organizovati poštujući epidemiološke mjere radi sprečavanja širenja bolesti uzrokovane koronavirusom - COVID-19.

3. Javna rasprava će se održati u periodu od **01.05.2021. godine do 16.05.2021. godine.**

4. Prijedlozi, primjedbe, mišljenja i sugestije na nacrt Odluke o postupku utvrđivanja prijedloga za davanje ili promjenu naziva ulica, trgova, mostova i parkova na području općine Novo Sarajevo, mogu se dostaviti u pisanoj i elektronskoj formi (putem e-mail adrese vijece@novosarajevo.ba), Komisiji za odnose sa mjesnim zajednicama i zaštitu čovjekove okoline do **16.05.2021. godine**, putem Službe za poslove Općinskog vijeća i lokalnu samoupravu.

5. Komisija za odnose sa mjesnim zajednicama i zaštitu čovjekove okoline pripremit će i blagovremeno dostaviti Općinskom vijeću na razmatranje prijedlog Odluke o postupku utvrđivanja prijedloga za davanje ili promjenu naziva ulica, trgova, mostova i parkova na području općine Novo Sarajevo, vodeći računa o prijedlozima, mišljenjima i sugestijama iznesenim na javnoj raspravi.

PREDSJEDAVAJUĆI

Općinskog vijeća Novo Sarajevo
Robert Pleše, s. r.

DOSTAVITI:

1. Svim vijećnicima,
2. Svim predsjednicima klubova vijećnika,
3. Općinskom načelniku,
4. Savjetima mjesnih zajednica,
5. Nadležnim radnim tijelima,
6. Koordinaciji boračkih udruženja,
7. Dokumentacija,
8. U spis.

O b r a z l o ž e n j e

I PRAVNI OSNOV

Pravni osnov za donošenje sadržan je u odredbama člana 19. stav (1) alineja 4., člana 143. Statuta Općine Novo Sarajevo („Službene novine Kantona Sarajevo“, broj 5/20 - prečišćeni tekst i 20/20 - ispravka) i člana 128., a u vezi sa članom 148. Poslovnika Općinskog vijeća Novo Sarajevo („Službene novine Kantona Sarajevo“, broj 24/19 - novi prečišćeni tekst i 20/20).

II RAZLOZI ZA DONOŠENJE AKTA I OBJAŠNJENJA OSNOVNIH PRAVNIH RJEŠENJA

Obzirom da je javna rasprava jedan od važnih mehanizama za obezbjeđivanje transparentnosti, konsultovanja i učešća drugih subjekata u procesu pripreme i donošenja propisa, a u cilju što kvalitetnije pripreme i izrade Prijedloga Odluke o postupku utvrđivanja prijedloga za davanje ili promjenu naziva ulica, trgova, mostova i parkova na području općine Novo Sarajevo, utvrđen je prijedlog ovog Zaključka.

Ovim zaključkom će se utvrditi način na koji će se provesti javna rasprava, način na koji će nacrt akta biti objavljen, rok u kojem se treba provesti javna rasprava, učesnike u javnoj raspravi i način prikupljanja i sređivanja prijedloga i mišljenja iz javne rasprave.

III FINANSIJSKA SREDSTVA ZA PROVOĐENJE AKTA

Nisu potrebna dodatna finansijska sredstva za provođenje ovog Zaključka.